



御選明詩卷第二十三

目錄

五言古詩八

趙寬五首

邵寶三首

儲燿五首

楊循吉一首

祝萃一首

石瑤七首

羅玘一首

周詔一首

沈周四首

御選明詩卷三

目錄

史鑑八首

趙同魯一首

黃雲三首

薛章憲一首

戴冠一首

方太古二首

沈本初一首

祝允明十二首

徐威一首

何孟春一首

顧清四首



鄭岳二首

杭淮四首

許讚一首

劉玉一首

王守仁十二首

周倫一首

張琦一首

謝廷桂三首

周用三首

魯鐸五首

徐問二首

御選

明詩

卷五

目錄

陸深五首

張邦奇五首

徐縉三首

黃鞏一首

孟陽一首

殷雲霄七首

林文纘一首

嚴嵩五首

陳彝一首

御選明詩卷第二十三

五言古詩八

趙寬

七月望夜省中對月分韻

團團月輪高浩浩天宇闊萬里無片雲碧色淨如潑開
樽臨前除庭院頗軒豁況復得佳友發興不可遏零露
生微寒慘澹滿衣葛留連肴核盡盤礴巾帽脫庾樓足
談賞謝賦深批抹清光世所共勝事吾人奪醉來吸沆
漉可潤喉吻渴夜久聞秋聲長風起天末

五月十一日晚坐納涼漫書

小樓闌闌中炎日如火熾偶茲西窗雨開襟滌煩思晚

御選明詩

卷三

趙寬

一

色兼新涼隨風一時至須臾雨脚收眼界益清媚九陌
塵盡消城闕鬱蒼翠玉河蒲葦森瓊島煙霞遂坐久漸
昏黑片月忽照地呼兒具杯酒涓滴輒已醉幽景方自
適外物皆可棄却笑南華仙猶為漆園吏

烹茶桐江舟中

寒碧淨澈底洒然怡我心乘船臨中流操瓢汲其深野
火爇筠桂芳茗烹璫琳俄頃發蟹眼拍拍光耀金一酌
洗煩慮再酌開雲襟但覺俛仰間羅列萬象森舒嘯排
寒飈放歌激商音四山正寂寂明月生東岑

自青田至處州一百五十里溪行

萬山蒼翠中一道開漣漪稜層削璫玉委曲盤蛟螭山

勢折復旋水行亦隨之青銅淨無塵可以鑑鬚眉深處
千百尋泓泓徹朝曦百怪悉在眼誰能遁毫釐然犀向
牛渚都笑溫郎痴時復亂石攢瀆薄陣馬馳崩雷殷坤
軸斜漢翻天垂杳然石門開幽洞宵難窺仰視羣峯頭
一峯更瑰奇孱頰立霄漢狀若峩冠綫三峽西瞿塘九
曲東武夷名勝人浪傳疇能過于斯扁舟三日行應接
渾忘疲平生丘壑饒取之良不貲真境未可謝尚有重
來期

訪魏孔淵方伯留飲山亭賦贈

文墨厭羈纏尋幽出江郭春事夫如何新綠暗林薄野
曠天四垂突起訝岑壘團團結丹幢鬱鬱圍翠幙滿耳
御選明詩

卷五

趙寬

二

翻波濤松檜風萬壑行行躋其巔睥睨但寥廓嵇山一
拳多滄海僅盈勺飛鳥去不還寒潮生復落參差町疇
分寂歷閭閻託東越舊風煙于今頗蕭索主人華陽巾
爲我開草閣長髯霜華繁方瞳電光爍遠致遺形骸深
情付杯酌憶公昔當路秋霄厲鵬鸚高才衆所忌戢羽
隨燕雀蹉跎歲云晚勲業夢已昨自從挂冠來園居有
餘樂藏書一萬卷諸子得耕穫虛涼聽雨逢矍鑠穿雲
屩真酬佚老計猶耿匡時略接談無襍言國事及民瘼
感慨氣填膺煙颺共揮霍嗚呼廊廟心江湖豈忘却乃
知慷慨士舉世堪一噓我懷亦骯髒塵鞅無處著得公
霏屑餘豁如啓扃鑰會心不能留正坐微名縛日脚隱

平蕪暝色帶歸鵲擾擾驅巾車低頭媿狻鶴

邵寶

冬夜觀樹影

月樹影在地橫斜復橫斜誰爲水墨畫老筆全無華又
如春雷動初驚蟄龍蛇因之得篆法錐鐵行平沙海雲
漾雙玕江風落孤楂玄冬萬景閱嘉此獨咨嗟他宵有
繁陰莫向時人誇

聽松

聽松復聽松松聲在高閣閣成四十年聽者今如昨風
來春濤生風去秋濤落當其無風時蕭然亦微作聰者
聽於斯冥心對寥廓

御選明詩

卷三

趙寬

邵寶

儲懽

三

湖口阻風書所見

湖西有青草湖東有白石水與草有情與石乃相激草
邊水微波石也奈水何有石水不濫不願青草多

儲懽

磨臺山中

牆低林木疎馬上見山麓朝陽曬我背蹊徑紆且復徐
驅喜崖豁稍上驚峯獨何當陟其巔一騁遠遊目閭風
眇崑丘萬里疑可縮翻思下土人誰與洗炎燠歲早不
爲霖白雲滿幽谷

靈山

靈山慕名勝曦午停征輶倒裝換冠幘徑往凌岩堯手

披茂草開思逐浮雲飄迨迨詣白塔獨立吹清飈迴旋
休緇廬老屋依山椒野僧三四輩衲破形容顛共言山
中貧菽水聊今朝問渠何所戀且得避征徭

白巖扇頭次泉齋韻

黃塵走名都白日觸隘景雲山忽當眼便自出人境脩
然蹇驢翁細路轉巖嶺疎林劃空明一笑得人影我家
柴墟旁南望長引領煙蘿繞茅屋江月閒漁艇栖栖恐
無成題詩聊自省

席上賦史異仲歸雲洞

悠揚滿洞中歸來不知處曉起語農人春田夜多雨却
問洞中雲何時下山去

御選明詩

卷三

儲蓄 楊循吉

四

訪鳳舉進士寺中

聞君僦僧刹屢往屬未閒及茲炎雨露獨步城東灣路
紆經石棧木杪開柴關老僧訊鄉曲喜溢眉與顏砌苔
淨堪憇庭樹涼可攀藤蘿映瓜圃眷子栖其間此境稍
閒聞已覺趨塵寰誰為剷屋角坐納西南山嗟子職吏
局茲游良已愜但恐他時至君去空子還

楊循吉

榮公還金山

十年不出山一游即千里問師何處來固亦偶然耳人
言人閒好自愛巖谷裏紅塵日撲面洗眼無清水孤身
本何將一鉢乃生理來既無所牽去亦誰能止昨聞檀

越船風帆欲南指別我從此逝飄飄白雲履我觀世間
人孰不爲身使唯師乃不然來往由自己歸及枇杷熟
憶我青林底

祝萃

紀行

訪舊指樵李權出武原谿亭午歷璵城燠焉如春熙舟
人共裸裎愛此南風吹老夫厄蓬櫳默坐心獨疑雲雨
易翻覆變態不可知戒言避中流沿涯泝清漪屏翳忽
四合飛廉驟如馳鷁首屢低昂怒波揚其威所幸誕登
岸免致檣檝摧顧彼鄰舟人哀哉沈鷗夷古云行路難
此語良不非相望不百里尚爾逢顛危而況千里程能
御選明詩

卷三

揚備吉

祝萃

石珪

五

保無嶮熾裁詩記所遭進退宜知幾

石珪

夏夕

暮色蒼然至涼思澹盈衿坐閱古人編稍見古人心遙
岑出天末薄靄凝夏林羣動各有息衡門幽且深

熊耳峯

封龍山勢壯截葉見熊耳高峙層雲間下聽幾千里威
深貔虎避意拔雷電起乃知天降靈自與凡石異浮雲
出晴丹淑氣凝夜紫彷彿懸崖旁呵護有神鬼我思漢
三老幽谷訪遺屐人去事亦非荒池但秋水地靈應未
散烈士還繼軌遙遙白雲中何人隱高几

擬古

秋夜何迢迢
蟋蟀鳴陰壁
蟾升林薄見
露下庭宇闐
螢火寒
依人羸駒倦
嘶櫪開襟納
虛明萬事謝
欣戚

飲鮑雲瑞莊居

城柳初盡處
薄靄開空明
潦降古洲出
千里關寸情
斷岸帶芳草
遠樹啼殘鶯
釣艇日往還
或有羊裘生
下馬對尊筴
故人相與傾
坐久出歌舞
柔風濯長纓
落霞酣野色
吟蛩戰秋聲
長恐西日下
衢路立屏營

秋夜

涼夜始多夢
升沉頃相尋
蟋蟀入床下
蕭序已載陰
寒裳出庭戶
河漢清且深
華月挂林杪
高鴻送哀音
百歲豈不多
半爲風雨侵
嗟彼蝸角名
煩此孤鶴心
流水漱古洲
高山出遠岑
子期果難逢
獨卧枕素琴

送王尚書德輝還餘姚

春花豈勝秋
新人不如故
紛紛紅紫羣
酣豔良未悟
千金買馬骨
百網捕兔兔
一曲雍門歌
夕陽在高樹

春日雜言

長空多浮雲
微雨露四郊
美人隔蘭渚
雜佩不可要
去年梁間燕
今歲將尋巢
時物各芬芳
吾興亦飄飄

羅玘

送劉使君之任柳州

潞江寒欲冰
柳州水如湯
萬里赴百粵
十年歸番陽
江

頭別時兒今作長髯郎有力哮如虎挺身駕長航指言
百粵路遠在西南鄉衡山高我栽洞庭渺茫借問水
窮處一源判離湘離合牂與鬱其流遂湯湯泝泝且泝
鬱是為柳之疆二州十縣地榮悴孰主張遐邇皆天氓
周室開明堂頌聲如可作太史紀循良

周詒

飲酒和陶

得時言或違人皆以為是失時言合道求全反致毀
譽何足憑窮達亦偶爾前程殊渺茫且來醉羅綺

沈周

過湖偶書

御選明詩

卷五

羅玘

周詒

沈周

七

薄暮及東汛眼豁連胸臆淨碧不可唾百里偕秋拭遠
樹水光上出沒似空植疎處方淼然山黛一着塞夕陽
掩半面雲浪為風勒便以湖作紙欲畫手莫即見瞥況
難諦歷多何暇憶舟子無雅情雙櫓鬪歸力

門前有垂楊

門前有垂楊枝葉何靡靡飄花欲及地忽復因風起搖
蕩少婦心天涯念遊子愁多肌肉消不敢臨流水

二月八日過靈殿祥公房

理舟指南郊迢迢及側景中途止溪寺陶煙接村暝門
前見新月步步踏松影虛寮寂無風已有孤燭耿衲子
作供養爐香侑碗茗知我解吟事其意似有請宿酒發

孤興捉筆便愀領草草成數行狂書亂斜正復作挂猿
枝墨瀋帶雲冷但記此經過流傳我何省

圖琴川錢氏沁雪石

吳興趙文敏公鷗波亭前有二石一曰沁雪一曰
垂雲流落雲間已不可考沁雪在海虞縣治中錢
允言氏購得之白石翁為作圖系之以詩

亭前峙奇石兀可當一障沁此萬古雪亘地氣臆壯蒸
雲勢欲軒得月神更王妙擬軼仇池潤未下雪浪利鑿
天借巧曾次見洞宕孤立宜有鄰雅許脩竹傍風雨不
敢泐刻名久無恙

石上勒沁雪二字
是松雪翁八分書

寶此一夔足礪礪不多尚

貞德允配主白衣可呼丈我見便欲拜良信米非誑聊
御選明詩

卷三

沈周

史鑑

八

與貌高古敢有愚公忘

史鑑

夜宿吳原博太史脩竹館時與陳玉汝別

歲暮入城郭攬衣獨裘回晚過修竹園主人故所知故
知義不薄執手言相思復有青雲士遠行從此辭相延
入中林呼童啓雙扉北風何烈烈萬籟鳴參差向夕繼
以燭壺觴相為持初月出雲間殘雪擁寒階獨鶴失其
雌中夜鳴聲悲會面不可常況逢生別離共言盡今夕
雞鳴各東西出處自有時人生安得偕顧慙鷄與鷄不
隨黃鵠飛各各重自愛冀以奉前規

飛來峯

久圖山澤遊苦爲風雨欵驚雷破重陰及晨光已顯透
迤入幽深厲揭渡清淺靈山傳飛來合澗互回轉蘿垂
手可捫松高蓋惟偃陽厓丹霞凝陰洞蒼雪滿秀色如
可攬絕巘竟誰棧衆竅因風號羣芳遲春衍追念平生
歡歷歷猶在眼匪無新相知已少舊遊伴老僧久見招
相携集閒館解衣任盤礴覽物適蕭散形忘慮則消情
至心莫展寄言同懷人對酒歌勿緩

神樂觀集送沈啓南

暮春和氣暢冠紳集城隅振策闖奇縱流目眇靈區園
丘鬱中天皇矣神明居飛宇入浮雲光景暉朝霞交龍
麗瑤砌擊獸獸綠金鋪川梁架流虹靈泉激深渠嘉樹夾
御選明詩

卷五

史鑑

九

道生芳柯綴丹敷奏風何泠然鈞天張清都娛戲易永
日列筵湛清醑宣和賴聲樂間以嘯且歌彼美丘園客
逝將賦歸與羈縈怨遲暮臨風發長吁

杜東原酬意圖

美哉延綠亭水竹含清秀中有鹿冠翁枕書眠白晝雲
卿通家子翹思遠相候執手問平安呼童列觴豆況當
二陰月大火將西流

叶

林深暑氣消牖啓涼風透鳥哢

疑宮懸檐流亂山溜杯行不知辭食進時起侑樂事難
具陳奇文每相叩翁言吾老矣此會豈云偶題詩寫新
圖醉墨滿襟袖有暇能再來毋論雨今舊

謨無猷邀飲於南虛室讀壁間馮明府詩有感

獨客困泥雨，閉門愁索居。天晴氣微和，欲出嗟無輿。鄰僧念孤寂，招邀過精廬。緒風泛林條，溜水鳴階渠。良友四五人，壺觴聊爾娛。陶情非絲竹，冥心遊古初。為樂苦不常，奈此年歲徂。一適非偶然，且復少躊躇。興懷舊遊者，由來心迹俱。風波一分散，判然區域殊。精神莫與通，夢寐時交胥。願言比浮雲，隨風徃微軀。

韜光菴

韜光古精舍，遠迹西山岑。岡岫屢迴複，雲嵐杳深沉。流泉激脩竹，綠蘿被芳林。密葉翳朝陽，芳柯承夕陰。杖策遵微徑，逝將支遁尋。行行未易即，遙聞鐘磬音。徒倚絕塵想，冥思諧道心。塞芳詠，招隱松風和悲吟。

御選明詩

卷五

史鑑

十

落景村

羲和駕驟驥，杳杳經天衢。向夕迫崦嵫，弭節少躊躇。餘光爛未收，冉冉下桑榆。歸雪棲遠岫，暝煙生廢墟。野雉雊中林，牛羊下城隅。回風忽復來，灌木吹笙竽。野老耦耕倦，盥濯歸茅蘆。曳杖數雞豚，引水灌畦蔬。達人尚真意，寫圖聊自娛。天機宛流動，匪為形似拘。

支硎山人

幽人戀墳墓，構此山澤居。層巒代屏障，積石當階除。飛泉漱瓊瑤，靈籟鳴笙竽。清音度回風，頽響棲芳株。入耳盡成曲，喑喑良不殊。臨軒睇冥鴻，坐石見游魚。飛潛各有適，悠然忘所如。緬懷放鶴人，不得同交娛。商歌滿天

地如與金石俱富貴非吾欲逍遙真有餘

趙同魯

感遇

歲華旣云晏心事成蹉跎窮達固有命卷舒如我何抗
志礪溪釣紆情莘野禾鴻飛日冥冥不復憂虞羅

黃雲

日夕

寂居山之阿木葉明返照陰厓凝晚色餘霞尚鮮耀遠
心望煙海孤興凌仙嶠歸牧驅牛馬溪船罷漁釣閉門
羣動息默以領衆妙

游焦山

御選明詩

卷三

史鑑

趙同魯

黃雲

十一

昔年過焦門風帆徑飛度老矣遂此遊清絕快平素僧
堂列古鼎歛識成周鑄秀壘水墨屏晴披濃綠樹石壁
舊題名苔蝕若簡蠹仰止三詔洞而以焦君故瘞鶴下
勒銘水落偶一露大江亭呼吸高雲岫吞吐絕頂御冷
風千里可指顧縱目窮扶桑出日蒙海霧俯仰歎今昔
往來走烏兔大哉神禹功明德詎能賦

重修瑞州學石隄工人沒水得古石鯨

頰宮臨清江下瞰百餘尺水激岸善崩雷闕走羣石不
知古石鯨何年此窟宅掀置水之濫其勢欲跳擲依然
鱗甲動水苔滋冷碧得非昆池來遂與牛女隔中宵寂
無音桐魚庶可擊

薛章憲

趵突泉

觴沸趵突泉發源自王屋汙流溢為漿迤邐陶丘北黃
山渴馬厓入地乃更伏潛行五十里突爾出平陸曾不
舍晝夜東匯成川澳乍似滄浪水浴出三白鶴更疑清
冷淵白龍服魚服蒲荷相蔽虧鳧藻舞濡淥踟躕不忍
去奈此白日速

戴冠

沃州山次韻

我從天姥遊層雲盪胸臆遙見海上山天際青歷歷俯
視崖下松一一駢拇直飛鳶凌長風欲度憂折翼洞黑

御選明詩

卷三

薛章憲

戴冠

方太古

十一

不敢前恐有蛟龍匿霞明石室丹泉掛水簾白茲遊足
奇觀此見太古色初疑補天餘鍊成五色質又疑天柱
折遺此數千尺倚空何崔嵬卓地亦奇特昔賢隱茲山
至今人愛惜遼遼千載下隱者何寂寂山川固依然世
變良可側

方太古

歸解石山雜題

山高日出遲雲重天寒早源遠斷人煙木落驚啼鳥南
斗雁峯均北極玉欄杪下界隔中天陰陽別昏曉

山中

山中歲云暮抱膝惟長吟北風吹蓬藿悲響懸高林仰

視浮雲翔白日不爲陰昔我三春花今日不可簪昔我
洛浦錦今日不可衾孤鴻逐黃鵠石上鳴瑤琴瑤琴絃
朱絲一操論千金真音不諧俗聊以明吾心

沈本初

嘯臺晚眺

高臺凌日暮幽懷一何閒凭闌縱遐眺負嶠如可攀雙
鳧下澄沼一鳥鳴花間欣物意榮寧知光景遷倚劔
白雲中賦詩蒼厓巔飄然拂衣起采菊歌南山

祝允明

述行言情詩

高閣衆祥集泰日百美具豐屋陵飛霄崇樓臨大路高

御選明詩

卷五

方太古

沈本初

祝允明

三

齋敞華器芳臯羅嘉樹良疇經邇郭麗舫汎妍淑紳杖
旦日臨星曜時夕聚羣公鬯威儀百彥盡能賦圖書恣
讐核琴瑟鏗在御崇議每徵今幽求競稽古卮言藹蘭
馥雄辯激水怒觴詠富章什絃吹暢情素西園繼清夜
何愁白日暮

繫榆樊石扉垓垣卑四周前楹舒廣場後宇環澄流微
淪帶山趾半覆花竹幽長夏且游浴高蔭終日休豈必
商丘開點爾聊同游

雅尚窮闕覽邇蹤愧卑纏卧遊空能賦道觀多歷年終
南華岳接峨眉太白連九疑元無地太行非有天岱宗
日華浴祝融星漢懸朝餐赤城霞夕拂匡廬煙洪河春

裂壤橫江秋勁弦因過洞庭水自櫂瀟湘船東海本吾
宅太湖襟烏前龍宮多寶藥洞穴鎖禹編靈期似當值
旦暮相付傳

璇穹積重霄迴運迅不停曜靈爍神燭望舒循九行三
垣列君臣萬緯流物形河漢夜半轉四時各財成靈憲
炳乾文至精存吾徵

別唐寅

長河堅冰至北風吹衣涼戶庭不可出送子上河梁握
手三數語禮不及壺觴前轅有征夫同行竟異鄉人生
豈有定日月亦代明毛裘忽中卷先風欲飛翔南北各
轉首登途勿徊徨

御選明詩

卷五

祝允明

龍川山中早行

十四

礧礧左山影橫截右山腰辯色鳥謹翔微光漾晴朝浮
雲若中斷蔚蔚方行遙

朝雲山腰生我在雲中行只恐雲載我飛上白玉京世
塵邈已隔天雞猶未鳴須臾微風發東極金烏升

溧水官舍

皇州本叢麗倅府亦多暇高木停車蓋白石砥根下雞
犬寂不聞明窗晃低亞礪奏不弦琴山橫無筆架流雲
過簷牖斜照盪書畫巖居固同此此寓未稅駕

八詠

錄三首

禁省

彤華耀芝蓋初旭浮絳纈紫殿切五雲螭表雙螭噪千
門洞陰陰天光互明滅英英鳳翼擁肅肅羽旗列仙韶
忽然奏鳥獸咸應節皂囊上玉陛丹書出金闕

漁釣

幸非城市住不舍煙波宅白鳥麗金沙蒼莓繞黃石涼
陰木澗青平遠水天碧梁寒魚盡落稻晚蟹猶瘠脩綸
倚筇簪敗笠蓋襜褕沽酒自易醉楓根忽終夕

宮觀

青霞抱琳館蘿陰絡深逕龜游煙沼煖鶴立天壇淨微
香拂幽洞欲覓風不定雲房並懸簾晝日鎖虛靜琪殿
臨高臺時聞落瑤磬循除步周匝徧扣無人應

御選明詩

卷三

祝允明

徐威

五

和陶飲酒

吾足如轉蓬遇風無停時節候迭代序嘗與家室辭三
歲凡五出別離復在茲行止豈有津誰爲我稽疑不若
巢中禽乃免霜霰欺天運實爲爾通塞任所之

徐威

五遊

叱叱甕盎中躍然懷高遷焚輪駕我騎挈貳挾我韉約
約縱我勒逍遙橫八綆登陟中天臺徘徊崑崙顛晃晃
金銀構輝輝珠玉櫨祛逐化人舞曲隨王母編渴將絳
雪進飢奉碧霞前吞嚼同沆瀣遠辟螻與臙我髮黑猶
漆龜鶴齊長年

何孟春

東山草堂為劉大司馬作

昔聞謝安石棲跡會稽山一為蒼生起功收談笑間我
公濟世才舒卷有餘閒吹律歲載成遺榮身早還東山
楚猶越千載相孱顏末路士多拘高風誰更攀

舜日麗宸極大明朝萬方天下聞風聲我公真棟梁公
有補闕線孤忠託袞裳公有決勝籌長才制畿疆君子
恃無恐臨流公為航一朝辭祿去士類何佺佺青林舊
盟在白社始願償其如本朝心一飯不易忘宇宙此東
山乾坤一草堂請看出處間斯文道彌光

顧清

御選明詩

卷三

何孟春

顧清

六

臘月廿三日飲德卿宅用涯翁齋居聯句韻

良游集南園秉燭向深夜盟尋舊雨餘坐想重茵藉牆
陰有殘雪鄰酒方索價西瞻太行峯皓白欺二華茲惟
藏春塢豈伊凌風榭洪爐赫彤霞餘香裊檀麝牕明疑
若空簷短不留罇吟苦愁後成棊勅鬪先下翻思前夕
裏高宴久已罷遠鐘送深更疲僕催早駕顧茲蚓竅鳴
試我蠅頭寫得雋豪屢揮沈思首頻亞忽看山月高顧
影獨驚詫情兼賓主忘氣已芝蘭化諸公信自賢此夕
頗堪訝招要入拘牽窘迫自閒暇詞非石鼎工酒罄金
罍瀉明朝逐餘歡此榻寧許借

程德望祠部登月亭

方塘開我前明月出我東仙人騎鶴來憩我亭之中調
笑弄月影徘徊吟天風夜久月漸高光滿池上空遺我
丹桂枝自携白芙蓉飄然凌風去千里懷德容

飲酒

故人飲我酒坐我清湖潯中燕游後園俛首交綠陰側
磴度別渚回堂面長林西日明遠陂流光蕩我襟喟然
懷往哲茲地幾登臨亭臺無遺構風水有餘音想當古
人時豈不亦似今運去鳴烏寂時來蛩蠋吟無爲後者
惜綠醕方在斟

張節婦詩

節婦京師人錦衣衛僉事讓之女許字
華亭張少保鑿子昱昱卒女誓死不嫁

妾面君未識妾心君豈知君死妾獨存誰當知妾悲父

御選明詩

卷三

顧清 鄭岳

七

母生我時願我有所歸生死向君家終我百歲期我非
慕共姜我非師伯姬自憐有此心不忍分兩岐皇天閔
婢弱回光照孤闈大字表貞節黃金鑄門楣我女諒非
婦拜命慙恩私翻思摧裂初一死真如飴餘生已多祐
寧復知此爲賢者有備責妾人無悔辭永抱一寸丹千
秋從是非

鄭岳

九江阻風泊舟有感

白浪起層層峯頭雲正黑迴舟入小港聊茲一憩息路
梗難爲期滄波浩無極坐觀北來船帆挂千仞直篙工
意閒暇津津動顏色緬懷造化心施子難爲力往船風

宜南來船風宜北南北本異途彼此那俱得物理每循
環明朝未可測隱几澹無營冥心悟義易

過水口

建溪昔隱險橫流多怪石參差別牛馬廉利侷劔戟篙
工慣習水濤賽資神力前後互招呼分寸恐或失激盪
轟雷鳴沫流飛雪白諦觀毛髮豎一命試輕擲逶迤過
水口灘盡溪流碧擢歌發清響貫酒娛西夕患至慮煩
紆險過事愉懌物理固其然臨流長太息

杭淮

復送世恩得鳥字

朔風吹客衣寒葉辭木杪晨發城東門君馬白驤襄南
御選明詩

卷三

鄭岳

杭淮

文

北紛多岐聚散感鷗鳥蹤跡雖屢違母使聲聞杳相望
江一涯素月出皎皎

送劉美之太守赴銅仁

園柳何青青江草萋以碧送子適萬里執手情脈脈嗟
彼雲中雁翱翔依砂磧不為稻粱謀何以有南北努力
任所之悠悠豈終隔

早發巢縣暮宿金城寺

煙靄市上青霜露草根白日出雞尚鳴墟落溪南北涉
野多寒風枯楊何蕭索山川莽迢遞歲晏道路迫王事
苦未休慘澹逾郡國暮逢禪房幽且復舒枕席

送王陽明謫官龍場驛

白日野中微浮霾結朝陰送子遠行役躑躅傷我心豈
無良朋儔不如子同音寂寞投窮荒誰能念浮沉願爲
雙玉軫相隨麗瑤琴

許讚

灌口行司

高堂聳陰森樹影互回蔽鈎廊敞而脩翬跂各具勢亭
後產松菊鳳仙亂花綴蕉肥色欲滴波神敷翠袂迎暉
煥光采過雨添清霽信美亦此居而我懷多戾種種中
夜思如草未經雜侵晨步後簷兩目驚眊睇江山足眺
遊鄉國渺迢遞石合岷山蹊草漫巴山際柴關信可陟
白水還易濟此日副所思鄉心難強制

御選明詩

卷三

杭淮

許讚

劉玉

王守仁

九

劉玉

夜坐

暝色闕琴書開軒對明月微雨卷薄雲疎星聚成列孤
蹤棲鳥定羣響蟲聲歇緬懷塵外人高枕宵鐘徹

王守仁

憶龍泉山

京師作

我愛龍泉寺寺僧頗疎野盡日坐井欄有時卧松下
夕別山雲三年走車馬愧殺巖下泉朝夕自清瀉

憶諸弟

久別龍山雲時夢龍山雨覺來枕簟涼諸弟在何許終
年走風塵何似山中住百歲如轉蓬拂衣從此去

登泰山

曉登泰山道行行入煙霏陽光散巖壑秋容淡相輝雲
梯掛青壁仰見蛛絲微長風吹海邊飄飄送天衣峯頂
動笙樂青童兩相依振衣將往從凌雲忽高飛揮手若
相待丹霞閃餘暉凡軀無健羽悵望未能歸

通天巖

青山隨地佳豈必故園好但得此身閒塵寰亦蓬島西
林日初暮明月來何早醉卧石牀涼洞雲秋未掃

龍岡新構

謫居聊假息荒穢亦須治鑿巖薙林條小構自成趣開
牕入遠峰架扉出深樹墟寨俯逶迤竹木互蒙翳畦蔬
御選明詩

卷三

王守仁

三

稍漑鋤花藥頗雜時宴適豈專予來者得全憩輪奐匪
致美母令易傾敝

營茅乘田隙浹旬稱苟完初心待風雨落成還美觀鋤
荒旣開徑拓樊亦理園低簷避松偃疎土行竹根勿剪
牆下棘束列因可藩莫擷林間蘿蒙籠覆雲軒素昧農
圃學因茲得深論母爲輕鄙事吾道固斯存

西園

方園不盈畝蔬卉頗成列分溪免甕灌補籬防豕躡蕪
草稍焚薙清雨夜來歇濯濯新葉敷熒熒夜花發放鋤
息重陰舊書漫披閱倦枕竹下石醒望松間月起來步
閒謠晚酌檐間設酣時藉草眠忘與鄰翁別

水濱洞

送遠憩岵谷濯纓俯清流沿溪陟危石曲洞藏幽花
靜馥常闕溜暗光亦浮平生泉石好所遇成淹留好鳥
忽雙下儵魚亦羣遊坐久塵慮息澹然與道謀

山石

山石猶有理山木猶有枝人生非木石別久寧無思愁
來步前庭仰視行雲馳行雲隨長風飄飄去何之行雲
有時定遊子無還期高粱始歸燕鷓鴣已先悲有生豈
不苦逝者長如斯已矣復何事商山行采芝

諸生

人生多離別佳會難再遇如何百里外三宿便辭去有

御選明詩

卷五

王守仁

三

琴不肯彈有酒不肯御遠陟見深情寧予有弗顧洞雲
還自棲溪月誰同步不念南寺時寒江雪將暮不記西
園日桃花夾川路相去條幾月秋風落高樹富貴猶塵
沙浮名亦飛絮嗟我二三子吾道有真趣胡不攜書來
茅堂好同住

寄友用韻

懷人坐深夜帷燈暖幽光耿耿積煩緒忽忽如有忘玄
景逝不處朱炎化微涼相彼谷中葛重陰隕衰黃感此
客遊久經年未還鄉伊人不在目絲竹徒滿堂雲深雁
書杳夢短關塞長情好矢無斃願言艷終償惠我金石
編徽音激官商馳輝不可即式爾增予傷馨香襲肝膂

聊用中心藏

別湛甘泉

行子朝欲發驅車不得留驅車下長坂顧見城東樓遠
別情已慘況此艱難秋分手訣河梁涕下不可收車行
望漸杳飛埃越層丘遲回岐路側孰知我心憂

周倫

雨霽登馬鞍山

春暮日始霽尋幽憩上方洞壑石衣冷幡幢松雨香悠
然倚雲閣極目塵沙場

張琦

遊長山

御選明詩

卷三

王守仁
謝廷桂

周倫
張琦

三

偶偕羣從遊騎馬秋山冷笑語應谷聲揚鞭亂江影入
山尚未深而有山棲境紅子落長藤蒼苔覆簷井短棘
刺我衣朔風吹我領飢腹覓蕨根健步出松頂樵人四
五家炊煙忽生暝問樵何處山云是丹霞嶺甬勉越崇
岡豁然見高景飛鳥盪曾至浮雲暗生脛陟高原自平
可以發深省

謝廷桂

茶園市伍家候大巡

微風散輕陰日色在雲裏出郭天氣佳游衍心自喜肩
輿歷青原瀾瀾見溪水農家住林藪前山若屏几因話
田與桑欣然憶鄉里

九月六日早發新化

出郭問前路度溪望千峯曉雨送薄寒碧嶂迴秋容人
言秋思悲我愛山色濃歸興儻如此宦情渾已慵故園
黃菊花正及茱萸鍾佳節不負人江海媿浮蹤

過彭澤縣

挂帆過匡廬樣舟向江縣彭澤舊知名淵明今不見巖
松露沾蓋堤柳風拂面雖非當時物過客生愛戀公如
素玉姿不以緇涅變又如瑤臺鶴凡鳥亦知羨我欲賦
弔詞清詩公所擅我欲酬一觴薄酒不堪薦漲澤曉乘
舟秋濤夜馳傳區區葵藿心瑣瑣芹曝善因公懷昨非
歸里今得便

御選明詩

卷三

謝廷桂

周用

三

周用

清都

惟昔游清都眷茲固難忘此日復何日真宰垂謙光合
沓來天人羽儀紛成行被髮乘麒麟赤脚踏鳳凰層霄
何嵬嵬瓊宮互相望六丁啓九關稽首朝紫皇紫皇顧
之笑署我玉座旁當顏舉北斗為我酌酒漿一酌好顏
色再酌生樂康義和鞭白日回車息扶桑夜半聞天雞
九州但茫茫

思古

古人不可見要見古人心羲皇日已遠河嶽徒高深焉
知千載後無人復思今為君歌所思清風激商音

耻菴

子車古有訓人不可無耻悠悠下千載聞者乃興起清風濯厚顏伊人欲何俟西山伯夷薇東海魯連水願言謝賢達母獨為君子

魯鐸

送友人歸武功

庭臯鳴落木游人感秋風援琴起中夜鮮復襟期同寒蛩響簷側高雁翔雲中雞鳴戒行李微日東窗紅游從集盤榼酒盡情未終行人難久留矯首成西東願言尺素書歲歲常相通

雜感

御選明詩

卷五

周用

魯鐸

五

東村有松檜西村滿楊柳我家住村東來往村西久浮陽起郊原游行及親友取蔭東西村常倒尊中酒風霜倏摧厲此意遂相負吾廬翳松檜搖落殊未有

茗苔孤生桐託根雲夢臺青皮閱歲年細雨生莓苔衆羽欣所止威鳳有時來歲晚歇芳意搖落依寒梅

端居有所思所思在長安冉冉歲云暮夢想接容顏緘書不我遺悵此別恨端徙倚向幽獨喟然傷心肝

懷人不能寐被衣彈鳴琴鳴琴若作意中夜發孤音美人何在何許遙憶湘水陰征鴻去不返雙魚逝何深引領重躑躅幽恨獨難任

徐問

和孫太守朝望登毗盧閣

與客登層樓，鈎簾瞰幽壑。秋色動遙林，千厓自空廓。俯視清川流，或見沙鳥落。涼飈拂襟袂，閒雲漾飛閣。書臺藤蘚荒，伊人久云邈。餘香有叢桂，三巖風前萼。

歲暮

海濱歲云暮，草木尚莽蒼。玄枵隱化機，羣蟄寂餘響。誰云果不食，有復繼茲往。充然天地心，生息在反掌。況乃青陽交，和風遍穹壤。陽德嘉再亨，吾亦觀吾養。重關靜喧囂，性定道心長。百年日斯征，撫事集遐想。惟當務崇德，不媿茲俯仰。

陸深

御選明詩

卷五

徐問

陸深

五

聽雨

白髮日夜長，青草綠堦生。江村荷時雨，潮田愜耦耕。稍稍辨遠樹，依依見孤城。魚鳥亦何意，上下如有情。撫已得良晤，與物本同生。遭逢百年間，重陰幾開晴。

清河曉發

清霜肅晴野，秣馬乘暗發。長逵迎淒風，疎林薄殘月。三五東方星，橫斜北斗没。似聞度前陂，苦寒傷馬骨。

儼山精舍晚意

林深暮煙紫，海近秋月白。稍稍神慮淡，悠悠寺喧隔。乾坤等逆旅，誰非遠行客。遣此百憂端，棲我一畝宅。楚狂雖忘世，湘纍竟何益。寄情混漁樵，託契友金石。

寓彰德倉司小憩頗有花竹之觀

愧乏瀟灑趣享此山林居時花當春發喬木向日舒好
風泛崇光有鳥鳴前除坐久獨顧影悠然思遂初去住
各有適得喪兩俱無

龍泉

瀑布下匡廬倚天垂玉柱瀟瀟六月寒坐對白龍舞幽
人送目餘新添夜來雨

張邦奇

感遇

我昔見媿人婉孌容色好貽我瓊玉鉤願言佩終老我
來旣已晚美人逝不返薄帷明月夜使我心悽惋芳蘭
何歲蕤采之將遺誰感彼媿人贈銜恩空淚垂

御選明詩

卷三

陸深

張邦奇

三

迎春

閉門終日坐不知天地春鴻鈞一以動百物相鮮新憶
昨凋落時桃李各有仁如今發生氣亦復資網緼達人
均四海愚者分比鄰嗟予二三友歡會當及辰我有一
尊酒可以陶吾真

送張君用之鶴慶

燕臺一尊酒送爾滇南行風塵萬餘里極目難爲情故
人忽已散落日玄蟬鳴曾無別離色可以觀平生

送王宜學編修謫官三河驛

若華照四海靄靄凝浮陰揮之不可得憂心日欽欽嶺

南多嘉樹隆冬見青林
去去遠垢氛聊以澄煩襟
綠衣無怨言白華多苦心
願子崇明德永言終令音

祝融峯

危峯踰萬仞衆峯不敢並
到此得大觀超然稱心境
捫星或低頭望日不引領
分明見負儀恍忽凌倒景
時月當坤陰霜林肅而靜
我欲回陽春叩此祝融頂

徐縉

送徐昌毅使湖南

鴻雁惜離羣嗷嗷鳴不已
如何平生親奄忽去千里
懷哉可奈何王事有端委
城南走相送意逐東流水
駕言度前岡迤邐歷河涘
道路阻且長嚴程自茲始
贈子以瓊瑶酬我一端綺

御選明詩

卷五

張邦奇

徐縉

五

昔與子北征嚴霜拂貂裘
今子遽行邁春水浮蘭舟
永懷會晤好重此離別愁
出門望千里楊柳條已抽
想見歲月積回首瀟湘秋
遙窺九疑山近賦黃鶴樓
嗟哉滯一方安能從子游

感遇

朝旦別燕京景落憩吳船
揚舲發潞渚伐鼓信洄沿
芳蘭已衰歇歸鳥紛飛旋
颭颭風揚沙皚皚冰塞川
黃雲結四野白霧縈三邊
顧瞻望城闕參差御飛軒
撫化心愴惻覽物淚潺湲
行行指舊山稅駕從所便

黃鞏

山中吟

春山澹無姿，春雲濕將雨。隔林有人家，知是雲深處。雲深山徑微，欲往疑無路。不如山中人，只在山中住。

孟洋

別家

僕夫早嚴駕，行行之楚鄉。依依戀故里，尊俎臨道旁。親友偕集送，兒女泣成行。隣國非遐征，歲月未可量。白露塗郊原，秋草日焜黃。沙禽竝栖宿，鴻雁東西翔。且爲斯須留，日晚途路長。不云行役苦，徒令居者傷。

殷雲霄

聞太初出遊

御選明詩

卷五

黃鞏

孟洋

殷雲霄

天

江風散微雨，重峯生遙碧。林端浮新青，梅遲見殘白。地僻爭訟簡，吏散庭院寂。煙水澹孤城，齋閣坐成夕。忽念同懷人，清光隔咫尺。溪舟時載酒，野步或携策。靜躁心詎異，寤歌聊自釋。

感遇

孤鳥失其林，日暮鳴且飛。風枝棲未定，搖搖將安歸。中洲有芳草，慘澹少光輝。舟楫蕩流波，根株苦無依。悲此遠征人，三代故鄉違。萬里長塗間，安知身是非。東海有釣綸，西山可采薇。悠悠迷方子，誰能識其幾。

宿江陰得太初書

侵晨發毘陵，薄暮及江陰。積雪明高原，歸鳥喧前林。孤

舟風雨夕大江雲霧深遙遙越鄉感脈脈游子心美人
隔江浦晤語安可尋情至物有合離析領瑤音愛賞欣
自古慕羣悲獨吟寄言狂歌客一尊待吾斟

雜詩

春日倉庚鳴百芳麗以繁桃李成蹊徑蝴蝶何翩翩一
朝鳴鶻鳩零露下庭蘭搖落非所悲所懷無由宣歲華
遂云晏歎息將何言

終日抱膝坐門前無來客所懷不可忘脉脉想疇昔登
高而遠望雲霧塞八極離禽飛且鳴孤蘭慘無色晤言
思親友日暮空歎息

寄繼之戶部

御選明詩

卷三

殷雲霄

林文纘

元

玄鶴摩天飛求友得雲鷺一為萬里別悲歎隔雲谿豈
無百鳥輩異趣多町畦何時三珠樹與爾同幽棲
采蘭金田山懿此幽獨春區區徒自愛持以贈遠人比
鄰豈不好寄託各有因願言保芳潔即此常相親

林文纘

再入計

冒寒發江郭隨衆述所職驅車策駑馬夙夜不遑息行
山歷峻阪溯川履深澤昔來楓葉青今往霜林赤郡縣
本舊游轉盼非疇昔新知多遷除故吏半更易惆悵時
物移銅符猶未釋服役職所任詎歎如蓬跡耿耿懷抱微
誠天顏期再覲

巖嵩

山塘

山塘深且廣，遷迤抱山麓。隔浦見人家，依依桑柘綠。日
落煙水寒，遶塘飛屬玉。

仰山

石磴盤秋蘿，危亭出峯樹。行人上山道，望望雲飛處。洞
口曉鐘聲，林僧獨歸去。

贈友

北風吹層波，高帆疾於馬。矯首望雲山，日夕到鄉舍。親
友慰遠歸，春杯正堪把。故園多所歡，薄宦何爲者。

阻雨不得登蟠龍

御選明詩

卷三

巖嵩

三

溪上風雨來，颭颭篁竹亂。油雲翳層峯，對面隔霄漢。鳥
道紆百盤，龍門在天半。佳期恨緬邈，寒望增淒斷。下馬
憩林居，一顧屢長歎。自無飛仙術，安得凌絕觀。

常甫憲副欽之翰檢與予先後登嶽欽之獨值

雨同賦

祠謁朝景暉，峯登雲物變。今朝山中客，零雨罷登踐。林
深厓路窄，幽賞不可遍。磴滑危難步，谷暗近莫辨。茲山
號靈幻，頃刻殊隱見。叨余上晴巒，萬狀悉輸獻。媿乏擣
毫賦，琢句被厓蘚。君侯擅風騷，胷中富溪壑。佳辭出天
巧，不復勞洗鍊。巖巒閔輝彩，草樹迷蔥蒨。豈被山靈妬
或遭造物譴，並覲欣茲奇。獨往惜已殿，期君嗣芒屐。言

保筋力健

陳彞

憩桑洲驛

六月如坐甑崎嶇歷寒景襍旣不堪況乃越崇嶺鳥
聲當晝寂松杉疑晝靜桑洲知駐足遙望神已騁行
進山驛解渴趨丹井解衣卧北軒遙山度雲影

御選明詩卷第二十三

御選明詩

卷三

陳彞

三

御選明詩卷第二十四目錄

五言古詩九

李夢陽三十五首

何景明三十一首

徐禎卿二十一首

邊貢四首

康海六首

王九思五首

王廷相五首

朱應登六首

顧璘十三首

御選明詩

卷十四

目錄

一

御選明詩卷第二十四

五言古詩九

李夢陽

發京師

蔦蘿附松柏枝葉固相因
行子戀儔匹況遇同鄉親
北風起河梁日暮多飛塵
攜手同車歸駕言西適秦
道遠長渴飢客子懷苦辛
仰瞻天漢流夜永不得晨
驂馬媚其曹鳴雁各求羣
明星出東方照見車下人
夙興即往道登彼高路津
還顧望京邑愴焉何所陳

田園雜詩

壯時掉塵鞅老乃即農務
值茲田事終怛然感霜露
原

御選明詩

卷五

陳翼

李夢陽

一

萋日以斂林華不守故嚴霜
淨游氣翔鵠在天路
鷄雀躍蓬蒿啄食不滿嗉
而余竟何言飯牛髮今素

雨後往視田園同田熊二子

鳥性悅儔匹人情豈無慕
亟見不云數獨行必相呼
昨有城上眺今復郭南步
膏雨回原綠楓林宿殘霧
久蕪慨我廬旱水兩妨誤
夏禾旣岑漠秋秫庶能穫
釀具粗已足念子有長路

贈青石子

高鳥有違羣離獸多悲音
懿彼婉孌子悵然分此襟
朝發南河隅夕暮乃北岑
玄雲旣無極黃波浩且深
君其四海翔無言還舊林

季秋凋羣木寒潦濫中軌笳鼓濟方舟軒車匝河涘攀
德惜遙邁悵分睇馳晷采蘭徒情結把菊爲誰美願子
厚衣襦霜露自茲始

贈孫生

古人種桃李不爲蹇其花君子振英芬豈在文與華炎
陽赫晴彩百卉流丹霞賁彼東園實纍纍一何嘉采者
自成蹊舉世徒咨嗟

甲申中秋寄陽明子

風林秋色靜獨坐上清月眷茲千里共眇焉望吳越窈
窕陽明洞律兀芙蓉闕可望不可即江濤滾山雪

贈鄭生

御選明詩

卷五

李崇陽

二

杪秋木葉脫霜露告成歲驅車遡寒郊觸物念征邁戒
舟有程日維駒阻心愛所幸旦暮留前途或風瀨

贈劉氏

矯矯雲中鵠忽忽晨南翔連翩客遊子駕言逝何方霜
露日夜零東路悠且長意欲從子逝我馬玄以黃徒思
諒無益欲置遽難忘愛子千金軀雙親在萬堂

贈劉主事麟

駕舟越洪川飄風揚其波白日不可駐浮雲一何多蹇
芳涉北汜采蝨陟南阿悵我平生友傷此欲如何
蒙蒙孤舟夕橫笛坐煙浦秋綠被汀沙落雁不可數烈
調千行雲激商復流羽曲竟和者誰佳人淚如雨

又贈王舍人

送美城東陌還車望上陽觀闌百餘尺蓉城鬱相望同
在天一隅子今旋舊疆經子故所居我馬立徬徨
徬徨亦何為悵望遠行客枯桑號天風時節倏復易簪
綬匪我榮棄置安所惜願為東南風遂附高翔翮
勁翮無羣棲靈根豈叢蔭人生非苦匏安得常相見動
息各有因況乃異鄉縣徘徊岐路側仰視雲中雁
雁征會來歸君行何日返驚風飄馳光歲月忽已晚登
山采白苓遺我心繾綣上言制頽齡下言助餐飯

衛上別王子

晨風應候至雞鳴各嚴車我今游宋中子當旋舊閭僕
御選明詩

卷五

李夢陽

三

夫理前綏轅馬悲鳴趨一別阻秦周相望萬里餘首春
霜露重厚汝征衣襦昔為同袍士今在天一隅故者日
以遠疇能察區區

贈徐禎卿

獨處忽不懌攬衣循東廂樹木何修修春風起飄揚我
友駕在門告言適江湘倉皇挈玉壺追送臨河陽顧瞻
兩飛鳧竝戲水中央翩翩厲羽翮鳴聲一何長奈何游
客子一別永相望時澤亮有周天命固其常薄終義所
劣別離庸詎傷懿彼回路贈慷慨申此章

送友人入關

南山鬱幽幽豐水白浩浩烏啼漢城樹塵起咸陽道驄

馬東方來長鳴翻玉蹄春風吹綠草明月滿關西

送友人之京

與君何處別汴州金梁橋下有古時水遙接廣陵潮君
搖錦帆去萬里上雲霄我掇金光草方期白鶴招

自南康往廣信完卷述懷

朝離傍羅浦東至龍潭宿戢柵侯明發獨寤守空曲宵
晝有常理欲往不獲速多慮良攪眠強置復攢觸起立
萬動寂湍響應鳴谷驚風臨岸激高月散春木絮雲吐
岑岫玉繩低以屬慨哉復奚道徘徊至天旭

子懷百門山水尚矣頗有移家之志交春氣熙
忻焉獨往述情遣抱示同好數子

御選明詩

卷五

李夢陽

四

闕圖訪名奇久欽蘇門山危峯羅縣牖積石磧鳴泉清
吟激衛女嘉遯招古賢出遊結夢想神往理誰詮連巖
旣鬱紆迴渚復綿芊猿吟曙霏豁雁泊暝陰還杖策躡
丰茸解裾濯潺湲仰視遊雲翻俯察戲藻鮮覽物慨幽
存撫化懷冥筮况逢春華交更此眺孤煙畢婚非達生
一嘯復何言

自大過渡河趨陂沙岡

凌春遠行邁游目恣沿越漸辨林中曙遽失霞上月觸
物誰為情悲歎曷可歇載登隋疆場况眺宋城闕陽坡
散初柳陰曲峙寒雪只此判氣候豈必殊燕粵潛潛濁
河駛晏晏晨風發揚帆截驚瀨倚櫂望窮髮鳧雁眇難

即汀蘭翠堪纈美人旣莫期天路復幽絕陂岡鬱參錯
岸沙皓明滅日暮孤雲興何以慰忡懣

覽遊百泉乃遂登麓眺望

束髮懷幽奇覽籍薰有遇來登百門泉果協佳勝趣
誌必負波涌藹藹浮陽聚止坎渟泓冽激石迅湍注昔聞
滄浪濯今解川上喻豈惟傷衛歌兼以發蒙慮況值春
序中羣物已改故菰蒲冒清深鱗介各有慕行羨浴渚
鳧靜對棲雲鷺巖扉空潭影林藹變朝暮極目北上帆
朝宗感游寓

德安趨潯陽

始征晨風息雲流日色展登陸艱且澀厲澗一何緬維

御選明詩

卷五

李夢陽

五

時仲秋交颭颭林颭卷綠竹垂我車丹花映行臆冒巒
維有松繡石盡成蘚攀攀雖多悅巨頓乃勞倦日中迫
廬岳蹊徑愈回蹇雲湧連遙嶸雨暗失近巘奔崩萬壑
會嶮絕一徑轉遽訝川梁沒幸遇石瀨淺道以習坎利
用待旣濟顯介石諒益固巨川豈遂眩誰哉能豫謀隨
寓斯可遣

宿圓通寺

曉發蒲亭邑暮投石耳峯僕夫困霑濡山雨猶響松茲
壑况采阻顧望惟溟濛幽巖托層房豁然臨猴江竹脩
苞北基巖峭垂南窗俯觀裊戶蘿仰聆走簷淙挹此輶
足遣逖想情難降陶公有遺墳黃子留孤踪通止良固

殊羈縛誰為棕坐聞吟猿暝祇令歸思忡

白鹿洞徧覽名跡

情高忽凌厲步健輕巉緬葛弱亦須捫厓滑每獨踐涉
清愛重屢探阻遺驚眩始茲陟五峯遂憇松下巘巖桂
紛始華石耳翠可卷追想白鹿跡伊人竟何遣觸端緒
自縈薜荔況在眼慨歎意莫置顧望日已晚夕湖浴岑
峭流光滅蘭坂命酒寫幽獨鳴琴且游行

赴懷玉山作

始臨清溪寺不謂茲路艱崎嶇踰南嶺轉見山鬱盤重
陰起北谷凍雨響前巒志定邁孰禦勇往竟孤攀挽葛
接懸狄架木凌飛湍律律巖壑變颯颯嵐風寒隔港望
御選明詩

卷五

李夢陽

六

絕岫亭亭已雲端

薛家樓宴

閒遊北城隅俯視清江郭洪川帶名都形勢自相錯樓
觀藹鬱鬱街巷紛以漠北城良已高況陟城上閣輕裳
拂倒景飛檻聆天樂夕山一何蒼夏潦彌井絡衝風激
回流玄霜駭難泊暗觀逝者危遂悟居者樂慷慨亮易
感捫心果誰惡夷險非我為劍彈且盡酌

上巳海印寺

勞生苦役役况乃值溫陽林園有嘉榮蹊渚生柔芳秉
藺迹已陳袂襖獨難忘駕言適蓮宇迂紆陟虹梁莪宮
延暮色陂樹藹青蒼詎知幽勝區占茲佳麗鄉居然心

境寂彌增塵路傷

秋日重過上方寺

居間懷行游觸景慨時速昨來春華敷秋草條已綠弱
蘋布霜漣叢蘭委寒陸纍果媚西陽漂籜滿空曲物遇
信綿曠情移乃躑躅夷猶步前庭迤邐陟層麓夕風一
何厲行雲結相逐鐸音抗高聽塔影駭流矚聿非封侯
骨虛疑燕頷肉飛纓靡不榮芒屨諒應足寄謝世上人
吾久脫羈束

雜詩

西國有佳人獨立青雲端容豔若桃李左右佩芳蘭含
思理玉琴泠泠一何閑更節有餘悲曲終再三歎借問
御選明詩

卷五

李夢陽

七

歎者誰中意難自宣沉吟攬衣帶仰視鳴鶴翻思阻望
不申何況隔丘山

朔日

朔日悲風起空除落葉平猶聞砧杵急已復剪刀鳴一
夜傳霜箭黃雲滿塞城

槿園

槿園秋氣夕唧唧寒螿聚風回啼欲斷月落歸何處爰
悲在堂吟復詠山樞句感爾中夜興微霜下庭樹

正德四年七夕上方寺作

逸人厭囂俗達士樂閒勝乃茲城中林而非車馬徑積
雨豁新霽雲石掩秋映微陽下孤塔潦水夾明鏡已疑

塵寰隔况覩蓮宇淨豈惟慕真覺亦以叩詮證玄蟬共
西夕浮雲本無定

山中

山中雨乍歇一夜瑤草長風吹翠巖竹下應石瀨響時
來展書坐悠悠絕塵想

山夜

孤月上東岫白鶴激秋唳涼風振溪壑林影颭搖曳山
居本深靜夜氣復澄霽冥心向千古眇焉托真契

何景明

平越

清晨發平越霧暗山益密僕夫各相戒路遠恐迷失薄

御選明詩

卷五

李夢陽

何景明

八

午游氣清參差衆峯出雞鳴溪谷中始見屋上日雲葉
分杳冥高原被華實秋風起叢林興感乃非一悠悠遠
行邁歷險難具述

桃川宮

谿谷多青氛朝暮不可知雞鳴洞中樹輕暎散華池白
石流丹液靈葩耀朱蕤誰能學丹術遂使塵網離
溪中何所有磊磊多白石紫參生其陽青松植其北遠
林商氣清絕嘯夕光白何當發雲奏招我吹簫客

自武陵至沅陵道中雜詩

叢薄被煙臯徑路紆且微秋風振喬柯綠葉漸以稀日
入羣動息林深衆響歸君看棲枝鳥大小必相依

普定

鼓絕揜山城空堂思超忽孤燈明夕帷悄悄涼風發落
葉何飄蕭飛螢互明沒客牕臨古寺坐待微鐘歇

姜子嶺至三岔

出嶺上雲霓入谿下煙嵐高高不可極杳杳詎能探朱
崖秀夏木石壁映寒潭千秋覽葱蒨百丈窺澄涵崩奔
谷響赴隱曜川光含登陟力不辭險阻情已諳潛淵羨
垂綸越巘思停驂振策岷峨西揚帆江漢南臨深非忘
懼履坦但懷慙

泊雲陽江頭玩月

扁舟泊沙岸皓月出翠嶺開窗鑒清輝照我孤燭冷高
御選明詩

卷五

何景明

九

林散疎光遠渚接餘景縱橫銀漢迴三五玉繩耿弦望
幾更易客行尚殊境佳期邈山嶽端坐令人省

平埧城南村

朝出城南村策馬入荆杞村中八九家煙火自成里兒
童候晨光稍稍荆扉啓四鄰務收穫時復披草語昵昵
何所云但言好禾黍

秋陰結林霏細雨洒茅室牧放止近郊牛羊不相失廣
園散花林平疇藹風日長幼不出門咸知戀儔匹喧喧
車馬中徒爲慕高秩懸輿當何時可使志願畢

沉沉古陂水日暮寒更綠隔陂見居人蘿蔓纏草屋摘
禾留客飯採薪伐秋木童稚持竹竿雨中放雞鷺區區

化外國猶得覩淳樸

還至別業

雞鳴高樹杪，狗吠墟里間。家人望車徒，遠客造門端。入門問所親，上堂叙悲歡。行人暮飢渴，秉燭具盤餐。明月照西戶，三星爛中天。出門踐野草，白露倏已漙。十年苦行役，茲夕方來旋。寧知非夢寐，忽忽心未安。

詰晨親友至，筐榼攜所需。各言平生歡，念子久離居。綢繆語未畢，展席臨前除。園榮亦已抽，况有盤中魚。人情倦懷土，富貴豈常於。無為泥形迹，所願恒相俱。

狎駕及春暮，比屋事耘耔。時物展遐矚，契我遺俗情。故

林茂以密，敞廬亦將成。芳蘭冒紫葳，園柳尚垂榮。澤葵

御選明詩

卷五

何景明

十

蔓廢井瓜田，依故城策杖。衡門下仰偃，遂平生所願在。怡親餘者奚足營，世情惡衰歇。天道遞虧盈，駟馬豈不貴。翻覆坐相傾。

遊魯城南南舍

溪行日亭午，暑氣稍見侵。脫巾坐芳草，前有嘉樹林。白雲澹清景，綠葉垂繁陰。喜無鳴蟬聒，幸有好鳥吟。久厭區中綠，撫茲意彌深。浩歌答良友，聊用開吾襟。

七夕

逝節忽不處，佳夕復我臨。神飈汎光蕙，渥露霑華林。緬彼牛女會，茲端竟難諶。形影慙相望，胡由接徽音。飄飄翠龍駕，髣髴青瑤簪。長河坐移轉，素波歛西沉。靈彩歟

以晦游雲起層陰同歡戀膠漆異處悲辰參翹思慕遠
匹感此涕流衿

十三夜對月

閒居愛明月良節復與俱金魄麗秋闔皓彩揚雲衢澄
空斂霜煙清飈蕩中區徘徊廣庭內改席臨方除顧景
怵衷慮興心念居諸天道遞消長戒之在須臾懷謙可
久安盛滿豈恒居孰云質靡盈所貴光不渝

十四夜同清溪子對月

林塘枉佳客待月欣舉觴今夕勝昨夕已見生東方離
離絳霄側冉冉素雲揚踰時灝氣徹縣耀天中央仰視
渺難即忽覺在我旁清池含微波左右浥流光月行固
御選明詩卷五 何景明
十一
當望人會何能常與子各鄉域邂逅臨此堂良時不屢
值明月安可忘醉歌答永夕和我窈窕章

十六夜月

日夕城煙斂列宿出復多開軒望明月展席流素波貞
輝雖少虧猶能遍天涯單車不為樂念遠徒咨嗟美人
越崇京高樓結綺霞浮雲暮長征何由覩光華迅飈萬
里至霜霧日以加坐憂桂枝歇委落同泥沙清輝苟相
照豈慮天路遐

十七夜月

更深月復明揚秀青雲端浮飈條以寂長川靜波瀾徘徊
廣除下白露棲崇蘭仰見城西樓迴光照文軒樓中

織綺女延頸獨哀歎哀歎未終已素河橫西山逝魄不
長望玉貌寧久妍君母吝光惠使我芳歲闌

擣衣

涼颺吹閨闈夕露淒錦衾言念無衣客歲暮方寒侵皓
腕約長袖雅步飾鳴金寒機裂霜素繁杵叩清砧哀音
緣雲發斷響隨風沉顧影惜流月仰盼悲橫參路長魂
屢徂夜久力不任君子萬里身賤妾萬里心燈前擇妙
匹運思一何深裁以金剪刀縫以素絲鍼願爲合歡帶
得傷君衣襟

擬古詩

名都有高樓上入青雲端脩城延曲隅阿閣交重闌佳

御選明詩

卷五

何景明

三

人理清曲當戶橫朱絃揚音采霞裏令顏誰不觀賓客
會四座絲竹哀且繁日中車馬至薄暮皆來還聽曲各
言好知音良獨難

淒淒仲秋日百卉腓以殘涼風入階樹零露摧庭蘭明
月皎東壁昆蟲鳴草間孤鴻暮安適哀音揚雲端眷言
平生友振翩起孤騫遺我若逝波望子如高山托忱在
終始蓄久諒逾宣寸心不可移磐石誰謂堅

繁霜降秋夜膏火寒無光淒風舉帷幄素月流中房客
行在殊境獨處誰與將仰視天上星羅列皆成行牛女
獨何辜煢煢守河梁嗟無臨風翼欲去不得翔引領長
太息涕泗徒霑裳

圓如天上月光輝尚當缺與君非一身安能不乖別關
山日悠遠舉步難可越君如雙車輪妾心如車轍相隨
萬里去繞繞何時絕

詠懷

北陸無淹晷歲邁陰已長攝衣起中夜凜凜悲嚴霜明
月麗高隅繁霜縱以橫徘徊仰天漢惋彼參與商形影
永乖隔萬里徒相望

烈炎灼崑岡乃辨金石堅金石有恆性銷鑠詎能遷薪
樗莫傷桂刈蕭母及蘭薰猶不同器清濁本殊源君覩
高翔翼卑棲非所安

英英園中槿朱榮媚朝陽朝陽修西墮朗月借其光馳

御選明詩

卷十四

何景明

三

輝難久耀華墮不再揚番番白馬郎皎皎青樓娼容好
豈足恃相要在衷腸

贈王文熙

行子夜中起月沒星尚爛天明出城去暮薄長河岸草
際人獨歸煙中鳥初散解纜忽以遙川光夕凌亂

出城贈韓子

晨車去遙遙將子城之隅城隅何所有有荷復有蒲念
當與子別思心立踟躕他人豈無友非子誰為娛折荷
勿涉水涉水濡子車安得瓊瑤華採掇為子需

古怨詩

墮葉辭舊枝飄塵就岐路遲徊決絕意言念平生故泥

泥行間泥零蔓草露豈不畏沾污爲子無晨暮

青石崖棧

秦中

側行青石棧誰能久延竚斷板連曳雲噴泉灑飛雨迅
流西回激峻坂東折屢躓岸互傾欹危梁裊撐拄飲猿
駭游鱗立馬接翔羽慎爾千金軀永念垂堂語

徐禎卿

對雪贈客

雜絮下璫霏飛滿洛陽城仙人深雪裏獨戴鹿皮行高
卧思安道攜琴就阮生竹林陪素蟻兔苑玩流英誰言
剡水棹今日在瑤京

登半塘寺閣

御選明詩

卷十四

何景明

徐禎卿

十四

夙有山水慕苦爲形役拘澹茲夏日永聊得狎浮圖攀
雲凌廣閣靄靄見吳都諸川散林上平野鬱芬敷法花
垂縹緲晴采動虛無煙火下方穰昏明時態殊境超自
生樂疲心忽重蘇因傷人世子擾擾卽長途

送友

瓜生葛薪下綠蔓義相因人生結交故婉孌自懷親交
義諒不遠戚若同株根勿采棘下瓜棘傷多苦辛不惜
傷者苦但恐株芟分念當與子別惻惻傷我神

留別邊子

我車駕言邁將子城之隅豈無他人親媿戀心自知握
手一爲歎忽忽從此辭驅車何迢迢迢迢復遲遲匪我

車輪遲行子有所思登高望河水河水何瀾瀾褰裳欲涉之俛首以踟躕孤楊生河干嫋嫋何差差民生失儔匹惻爾令心悲

留別都城諸同志

對酒忽不樂悵然懷別離別離結中勞眷彼長路岐苒苒郊河樹曖曖關門祠佇望瀟湘水先與秋風期鴻雁雲中來噉噉使人悲懷哉爾方集恨矣予當辭

送邊子出刺衛輝

平生歡愛日履坦昧前艱及爾嚴霜集方知末路難疇昔同棲翻毛羽各摧殘顧影惟爾我憾憾傷心肝

心肝義所均離索一何深雖歷同朝寺雲路邈飛沉君御選明詩

卷三百 徐禎卿

五

處承明陽我居湖水陰淹闊嬰多瘁日夕遲爾音

爾音良不違胡為繫我思何況當乖絕飄飄各異枝款曲杯酒言果諧符守期努力茂時猷聊以慰我私

我私何悠悠薄送遵坳丘朔野曠無人樹木鳴颼颼登高望衛邑思見漕衛流前景奄忽匿浮雲蔽行輶

行輶道已綿下車歲聿遷藹藹朝歌邑閭里翳人煙慷慨倚昔風緩疾在更絃寄謝當途子成菴庶來還

送唐季和謫穀城

襄陽千里道念爾一杯辭上馬山公醉曹騰倒接羅回風漂朔野飛雪繞征旂及此下車日黃河冰泮時江喧神女館花發峴山祠莫謂長沙謫風流良在茲

懷往

穴蟲測序改客鳥知時晏嚴風振中野凝霜薄飛觀褰
裳啓東戶河星出有爛耿耿不遑寐沉思遂回亂何以
終遙夕明燈且濡翰自我違之子苑藻絕流玩郢斤不
存目流俗耻堊墁塊處空堂中誰爲發言粲感旣申微
詞佇立倚長歎

對月有懷

夜氣泛虛爽灘聲來自遲繫舟南斗下翫月西江湄對
酒忽不御茫然空爾思

憶升之

昔臥廬山峽聞君入蠡湖雲帆搖石鏡波影靜天吳去

御選明詩

卷五

徐積卿

六

作南昌客飄然下玉鳧仙人留舊館都督盛新模落筆
揮鸚鵡榮觀四座娛神飈清管發逸興白雲俱我醉聆
猿狖南行愁鷓鴣祇今遙憶處明月隴山孤

題潘進士贈謝昌邑雪山圖

誰謂咫尺勢宛如觀九疑狂風吹白雪片片落天池雲
氣遶半壁煙光昏四維髣髴湘君廟如聞猿狖悲颯杳
凌冬樹點綴有餘姿楚客善毫素游燕人未知北窓遇
陶令大醉雪寒時凍灑丹青筆長歌歸去詞他日看圖
畫難忘剡水思

效庾信作

綺梁文桂刻椒壁石脂漫鏡牀雕孔雀窗箔織青鸞斜

牖銀河轉空庭白露團梨花初浴霧竹影尚低寒不知
紈帳裏誰復夢懷蘭

望齊山有懷

晨行煙莽中路遠山襍沓白雲巖下生青山蔚然合芳
草日離離芳春情若斯吳江千里碧回首寄相思

江上

江色千峯暮雲霞鏡裏光水清沙岸好宛似渡橫塘無
那王孫思薜蘿蕪處處芳

留別都城諸同志

獻歲芳景滋湛湛江水碧白芷被洲生柔楊蔭廣場美
人蕩春思而我事行役晤賞良已違清尊坐成惜明月
御選明詩

卷五

徐禎卿

七

懸予心青山詎能隔

嗟哉我行邁借問窮何方北征自幽薊南往浮荆湘天
地生遠色撫劍何慨慷湯湯大江流思心與之長江竹
鳴鳥暗江春行客傷回颺若有託聆我棹歌章

學謝靈運賦華子岡詩贈趙建昌

朱巒蔚靈輿雲海互盤旋陰霞絢石室夾篠蔽清漣翠
羽紛啁晰瓊藥合芬妍桂嶺屯蒼靄桃溪迷紫煙朝登
郡樓望佳氣鬱葱芊挹景企嘉客臨風懷羽仙冥賞非
偶愜神理豈虛傳建德寡民務山水發清絃順性奚矯
迹知道在忘筌非君秉淵尚茲理誰爲宣

邊貢

贈友

春陽初獻歲芳樹日以青送遠及近郊何由申我情我
情方鬱紆君駕不可停瞻彼飛鴻翼聯翩共遐征奕奕
雲中河爛爛川上星中願渺難遂佇立以屏營

分韻再送文熙

夜久河漢橫春堂別燈黯風淒鳥初動露重花猶斂明
發不在茲重關爲誰掩

答石峯見懷之作

斗柄當西南河漢東北傾零露華白晶晶天宇晴微
風度廣陰熠燿時復明卉木日已黃秋氣日已清念子
理素瑟苦調多離聲嗷嗷失侶雁泛泛隨波萍會合固
有期此日難爲情

御選明詩

卷五

邊貢

康海

六

次韻贈李子行之如陳

迢迢阻歡宴戚戚傷離居離居結中懷鬱鬱慘不舒若
人美無度貞抱沖以虛朝爲同朝客夕暮隔林墟林墟
積秋霖流潦不可除四野晦蒼蒼行行安所如驅馬臨
大道瞻顧空踟躕

康海

雜興

許西亦佳勝日日有襟期田園俯川陸葵藿滿堦墀野
叟遺濁醪嘉樹過涼颺微曛上崇巘遐眺引東菑牧笛
風外來園禽鳴別枝睡足發新懷此心誰得知

於近山尚書莊上作

春風纈芳林虛堂翳脩竹苟愜靜者心寧慙世人目昔
予懷此遊悠悠幾更宿豈期聯輿來沉醉卧茲曲高歌
歎往蹤遐眺覽前躅主人古司徒雅興薄裴陸但能永
今夕何憂之醞醑

閒居詠懷

窮居無別棕掃徑揖清靄濁醪自斟酌幽花復芬馥雖
微恣性歡亦鮮迷津嘅寒蟲相續鳴潦水參互沛節物
漸以更人事紛相代猗彼巢由徒曠音昭物外

同用昭自華南郭往西谿作

愛爾草堂靜驅車同討尋南郊更崎嶇春溪多綠陰蒲
御選明詩

卷西

康海

九

杏漸將徧松竹已成林感嘅宿昔意相對靜塵心悠悠
日西邁渚禽揚妙音即此興已極何必東山岑

洪川柳浦斜眺

煙墟翼層壑巖陰生暝色柳際斜陽來徘徊望安極披
襟挹清風塞木值嘉息坐久山月升情景具相得嵇康
非養生謝安有高識歌嘯振空林歸驂苦追逼眷言期
重來何必雲間翼

觀禾

我來彭麓下坐愛青山色雨過忽新涼蒼煙望無極秋
禾行欲成豈畏驕陽逼壠畝綠如屯原隰少螟螣同欣
有年樂詎知天子力

王九思

彭麓山房宴集

客有紅珊瑚盈盈高數尺持之博村酌反爲農夫搯相逢不一醉別後怨疇昔我今有美酒來坐松下石勸君君不飲騎馬將安適不見桃李花落盡五侯宅

對酒憶康五

林棲鮮儔侶芳醕聊獨親繁音媚晴景嘉賓及茲辰習習谷風發萋萋卉木春黃鳥鳴枝間翩翩求其羣對此豈不樂念彼同心人室遠心徒勞追趨靡所因安得驟雲霓頃刻馳見君

燕會贈諸友

御選明詩

卷五

王九思

三

卜日駕言邁睽茲川陸平親友集高會置酒青園亭中庖具膳羞歌舞羅衆伶鼓瑟發清響擊筑揚新聲興移夏日短入夜燈燭明壯士起爲壽誼重白璧輕人生固有懷冠組非所縈願言崇令德勿渝金石盟

對菊有懷諸友

東籬零露滋秋色燦盈目仙姿有殊類密葉映深綠時維霖潦收欣看秫釀熟引觴聊自酌玩此羣芳馥白雲何英英南山亦轟轟微風吹我衿飄飄絕煩熯杖藜行且謠清商發新曲仰視歸雁翔翩翩亦何速慨我平生親佳人在空谷逸氣蛟龍騰貞懷鸞鳳伏川原邈相隔鵝鶩不可屬徘徊日空暮歎息倚修竹

罨翠樓聽歌

憑空覽蒼翠登茲百尺樓春風蕩擊筑高歌發秦謳梁
間轉流麗雲際迴歌喉陽春寡酬和佳人不可求恍疑
碧桃樹景與瑤池侔曲終意未極青楓生遠愁

王廷相

九日安陵同蔡成之發舟

亢帆安陵浦泛舸清川潏渚枉倦迴沿厓傾詫崎欽寒
原變淒候浮靄散層陰落日隱叢薄孤霞冒平林雖同
佳人娛屢興游子吟曠達獲自古維繫慚在今緬懷籬
下菊結念丘中琴川塗渺無緒風波浩難任

明月沱

御選明詩

卷五

王九思

王廷相

五

客行無次序向夕舟復維豈不厭水宿搖裔渺前期沱
明星月上江冷蛟龍移野鼓何填填宵火亦離離牛渚
暮猿吟湘潭傷楚辭我行方浩然我懷亦遠而流浪自
古昔嘔歎及今茲驚鵲靡定所荒雞詎知時行藏隨去
住明發良不遲

夏日懷故園親友

齋居日沖靜不覺時令侵鳴鳥已驚聒喬木森夏陰披
襟承緒風況拂龍唇琴故人本同調幽事阻相尋飛鴻
勞錦札素夢迷遙岑世氛苦未謝悵望空遠心

時雨

濕雲晨出山冥雨夕不渴流膏潤郊野隨春佐生發惹

蒼變上林清瑩淨北闕稼植奄長畝國計諒靡缺已舒
官長懷豈茲農父悅

遊西山

偶從西山遊浮靄滿幽谷臨春水木茂度岸沙澳曲中
有玉華僊閒將素書讀我欲從此休冥心附幽獨

朱應登

擬陸機招隱

修塗苦躑躅曲澗聊盤桓盤桓將安之所樂在淵泉清
冷足朝盥幽眇窮夕觀雲構蔽層木翠幄引芳蘭玉鯉
胃輕罟銀縷落素盤忽枉良朋儔誠款慰夙歡富貴豈
不欲時命非可干稅駕從所適茲焉以永歎

御選明詩

卷五

王廷相 朱應登

三

野中作

細細朝雨零纖纖麥苗長丁夫荷鋤出所至成偃仰林
喧羣意動山空百泉響佳境偶獨逢無人共幽賞

贈別黃子和

舉世昧所欽見客隨諧嬉良朋久寂寥十載惟君知把
袂執素手懽悰不自持人事忽生變與君長別離膏車
岐路側欲發更遲疑虛名夏廚蠅短景朝華枝兩心各
相許脈脈無一詞濁泥媿清塵何以備驅馳盟言願有
終白首以爲期

贈劉元瑞守紹興

朝出承明廬駕言還故鄉當門結旌旆觀者倍生光故

人欣再見眷眷意難忘舉觴承湛露頌德詠羔羊周官
十二牧職貢各殊疆持子夙夜心坐致黎庶康深衷豈
念此但感別日長相彼水中鳧羽翼同翱翔風波一失
所望望徒心傷

夢大復何子

京華一云別瞥若紛飛翼遥遥南中道念子無消息歲
徂寒暑變日落風雨黑詎知萬里魂能達君子側篇章
煩見示觸目見古色瀏瀏清瀨鳴擢擢朱絃直指摘發
雋語要我以終極大質多渾成至寶去雕飾晤語忽復
竟驚起謝良德音徽猶若聞轉盼已難即悵悵牽垂帷
仰睇梁月色何由託歸鴻附此長相憶

御選明詩

卷五

朱應登

顧璘

五

酬方思道以詩帙見寄

方子還山中兩度寄詩帙憐子方在疚報荅百不一故
人枉相存所恨越阡術江南十月交山中稼應畢天寒
脆榆柳霜重熟棗栗理甕得舊醅攀厓割新蜜既可歡
親顏亦堪悅家室吾翁嗟已晚念此重有失尚幸老母
康羸以慰蓬蓽人生歸有道貧賤匪所恤作詩謝同懷
商風振瑶瑟

顧璘

東郊田園四首

并序 錄三首

璘本江東腐儒無廟廊之骨從宦三十年獲落不
就謝歸秉耒遂與野人相親養雞牧豕能任蓑笠

擊缶醉歌禮法俱廢或肅容對客如猱狙御衣冠
隨即褫去聞談官政如爰居聽鐘鼓目掉心眩乃
知情質煙霞不可以強變也新營田園輒賦此篇
陶公歸桑里謝客營石門於世既無競努力事田園春
還理荒穢良苗應時繁豈不念歲豐天道難預論列槿
藩草屋藝蔬備晨飧郊居漸成趣益厭城市喧菽水苟
無闕萬事奚足言

出門見青山幽意日瀟洒修竹繞舍東流水在田下衣
冠不須著犁鋤亦時把日與山翁游禮貌樂疎野風俗
重時令相邀作鄉社濁醪滿浮蟻蛙魚剖新鮓交酬各
酩酊至樂絕無假長笑宇宙間誰是忘形者

御選明詩

卷五

顧璣

五

刈麥思時暘分苗望時雨彼蒼於農人遷就亦良苦好
雨從東來原田白膻膻老穉荷蓑出綠縵紛可覩引耜
驟且鳴餘懽及家牯連歲荒負租頗遭官長怒今幸占
有年且願給公賦絮酒兼炙雞殷勤祝貓虎

碧溪

落落高梧陰俯瞰寒流碧微雲過疎雨秋容淡無迹魚
遊綠藻晴鳥下青蕪夕興至每垂綸歌罷還岸幘漁父
兩三人時來共爭席

贈孫思和

東林一片石綠蘚生秋痕時招葛巾客對坐傾匏尊俯
愛澗下水仰觀枝上猿誰能策羸馬日夕依朱門

東鄭生

圖史聊足娛胡為苦多營經旬謝賓客春草當門生白
髮午未櫛青山時獨行蕭蕭樹上飄莫與風俱鳴

薔薇洞

百丈薔薇枝繚繞成洞房密葉翠帷重穠花紅錦張對
著玉局棋遺此朱夏長香雲落衣袂一月留餘芳

柏屏

壁立青玉屏下見古柏根相憐歲寒葉鬱作蒼雲屯貞
姿洗霜雪老氣橫乾坤名園非此種誰可當君門

蕉石亭

怪石如筆格上植蕉葉青蒼然太古色得爾增娉婷欲
御選明詩

卷五

顧璘

五

携一斗墨葉底書黃庭拂拭坐盤薄風雨秋冥冥

度楓木嶺

初謂山拂天飛鳥不可度逡巡躡危磴乃即我行路百
折頻攀援十步九回顧高林忽在下衣襟有雲霧倒景
猶照人平地黯將暮方當日月過似可捉烏兔飛瀑如
天河所少鵲成渡東北望故鄉江流莽傾注長風動萬
里獨立難久竚

題龍巖額有賦

蒼厓積鐵古中空若天開不知寒泉水潺湲自何來石
田莽重疊上有仙人臺淋漓濕元氣玉黍長蓓蕾青春
始來游桃花映樽壘主人邀痛飲酣歌日西頽獨揮菁

茅帚書破巖上苔巨靈拍掌笑大劫俱揚灰吾意在山
水短長安計哉

南巖雷神祠

雷神棲何所巖洞深杳冥幽林蔽日影寒澗餘龍腥經
年尚留雪當午仍見星石竒出變相境勝通神靈譎怪
山海事流傳信前經

辨蛤和涇川公

漁海窮滴次獵山歷哈呀生人胡多勞養此六六牙聖
哲著禮經細不遺螳蛙食龜一染指因以傾厥家末俗
貴珍異載籍紛喧譁美哉爾石蛤奚免網與又修脛雪
長苻腴中剖團瓜烹以實下豆亦慰賓筵嘉南荒盛蟲
御選明詩

卷五

顧璘

五

族大者蛇與墓瑣細及百種射影兼含沙食者苦嘔泄
傷者困瘡痕例舉混美惡頗笑昌黎差幸蒙七箸賞重
以褒辭加河豚自此賤况復論魚鰕

御選明詩卷第二十四

